

中國歷史地理文獻輯刊

類書類地理文獻集成

第八編

十二

上海交通大學出版社



中國歷史地理文獻輯刊

類書類地理文獻集成

第八編

十二

上海交通大學出版社

類書類地理文獻集成

本冊目錄

類書類地理文獻集成·明代(七)

類雋

卓氏藻林

典籍便覽

皇明泳化類編

焦氏類林

黔類

駢志

山堂肆考

一

七九

一〇一

一一五

一二九

一三三

一四一

一六七

(明)鄭若庸 纂輯

類

雋

明萬曆六年汪珙刻本

類傳卷第五

勾吳虞舟鄭若璠纂輯

山東按察司副使古虞百樓鍾穀

校閱

戶部陝西司主事西蜀少川王用楨

戶部福建司主事古粵礪山鍾昌



工部營繕司員外四明夢韓張大器

同閱

臨清州知州古完呂珩

校正

臨清州知州西蜀李元齡

重校

地理類

太學生汪珙校梓

類傳

卷五

一 類書類地理
文獻集成

順乾釋名云地謂之坤上順乾也**天根**楊泉物

理論云地天之根也**湛濁**神農書云湛濁為地

積陰素問云積陰為地**資生**易云萬物資生**後**

定抱朴子云太極初構清濁始分故天先成而

地後定**物祖**白虎通云地萬物之祖**積塊**列子

云地積塊也**承天**易云承天而時行**定寧**文子

云地承天故定寧**純形**又云地統元形**稱母**易

云坤地也故稱乎母**陰精**楊震云地陰精也**居**

靜天文志云地有居靜之體

右動春秋元命苞云天左旋地

右動流謙易云地道變盈而流謙**謙虛**孝經授

神契云地順受澤謙虛開張注開張九嚴受流

灋潤是其謙虛也**應節**春秋元命苞云地者易

也交易變化含吐應節**右轉**春秋元命苞云地

所以右轉者氣濁精少含陽而起遲故轉右迎

天右開尸子云八極之內有君長者東西二萬

八千里南北二萬六千里故曰天左舒而起牽

牛地右開而起畢昂**能載**莊子云地能載之而不

類傳

卷五

二 中國歷史地理
文獻輯刊

能覆之又云地能載人不能治人**不言**荀子云

地不言而人推厚焉**包物**國語云唯地能包萬

物以為一**取財**禮記云地載物天垂象取財於

地是法於尊天而親地**養材**史記云顓頊養材以

任地載時以象天**生草**王充論衡云地性生草

山性生木**牧生**春秋說題云地之為言姚也承

天行其義也山陵之大非地不制含功以牧生

也**無私**禮記孔子云奉三無私以勞天下天無

私覆地無私載日月無私照**視下**易云本乎天

者親上本平地者親下浮舟楊炯云地若浮舟

方如碁局廣輿周禮云東西為廣南北為輪其

晉天文志云天圓如倚蓋地方如碁局天周

於外地如仰黃馬方輿淮南子云圓天為蓋方

地為輿言為蓋則無不覆為輿則無不載也石

博博物志云地以山為之輔佐石為之骨川為

之脉草木為其毛土為其肉九地太玄經注云

九地一為沙泥二澤浼三征崔四下田五中田

六上田七下山八中山九上山十形楊泉物理

類 雋

卷五

三

類書類地理
文獻集成

論云夫土地皆有形名而人莫察焉有龜龍體

有鱗鳳貌有弓弩勢有斗升象有張舒形有塞

閉容有隱真之安有累外之危有膏腴之利有

壅壟之害此十形者氣勢之始終陰陽之所極

也八淮南子云八殯八澤之雲是雨九州四

尚尚書考靈異云地有四游冬至地上北而西

三萬里夏至地下南而東三萬里春秋分則中

矣四極爾雅云東至泰遠西至邠國南至濮鉞

北至祝栗曰四極又山海經云禹使太章步自

東極至于西極二億三萬三千五百里七十五

步使豎亥步自北極至于南極二億三萬三千

五百里七十五步八澤淮南子云九州之外乃

有八殯亦曰八澤方千里自東北方曰大澤曰

元通東方曰大渚曰少海東南方曰具區曰厄

澤南方曰大夢曰滄澤西南方曰渚資曰丹澤

西方曰九臠曰泉澤西北方曰大夏曰海澤北

方曰大冥曰寒澤八紘淮南子云八殯之外有

八紘東北之紘曰和丘曰荒土東方之紘曰棘

類 雋

卷五

四

中國歷史地理
文獻輯刊

林曰桑野東南之紘曰大窮曰衆女南方之紘

曰都廣曰反戸西南方之紘曰焦僥曰炎土西

方之紘曰金丘曰沃野西北之紘曰一目曰沙

所北方之紘曰積水曰委羽八極淮南子云八

紘之外有八極東北方曰方土之山曰蒼門東

方曰東極之山曰開明門東南方曰波母之山

曰陽門南方曰南極之山曰暑門西南方曰編

駒之山曰白門西方曰西極之山曰閭闔之門

西北方曰不周之山曰幽都門北曰北極之山

曰寒門又晉地理志云八極之廣東西南北相去各二億三萬餘里自地至天半八極之數

地周禮云大司空以土會之物注曰山林其動物宜毛物其植物宜阜物二曰川澤其動物宜鱗物其植物宜膏物三曰丘陵其動物宜羽物其植物宜麋物四曰墳衍其動物宜介物其植物宜莢物五曰原隰其動物宜羸物其植物宜叢物

三壤尚書云咸則三壤成賦中邦**七表**河圖云天有五行地有五岳天有七星地有七表

類 雋 卷五 五 類書類地理 文獻集成

九域張衡靈憲云元氣剖判清濁異位地定於內而體於陰地有九域 聖人始紀綱而

地軸河圖括地象曰崑崙山為柱氣上通

天崑崙者地之中也地下有八柱柱廣十萬里有三千六百軸互相牽制名山大川孔穴相通

地理論衡云山川陵谷為地之理**地數**管子云

桓公問管仲曰地數可得聞乎曰東西二萬六千里南北二萬六千里出水者八千里受水者

八千里**地脉**山海經云洞庭穴在長沙巴陵今

吳縣南太湖內有山山有洞庭穴地道潛行號曰地脉也**地肺**山海經云金陵者洞壚之膏腴勾曲之地肺注其地肥良曰膏腴水至則浮曰地肺**地圖**周公職錄云皇帝受命風后受圖割地布九州又周禮云大司空掌天下土地之圖周知九州之地域廣輪之數辨其山林川澤丘陵墳衍原隰之名物

地法周禮云小司空 凡地訟以圖正之

地祇物理論云地者其卦曰坤其德曰母其神

類 雋 卷五 六 中國歷史地理 文獻輯刊

曰祇亦曰媼大而名之曰黃地祇小而名之曰神州亦名后土又云黃地祇舉八極之內地神州王畿方千里內地神也后土社也社地主也所在皆得言之也**地望**晉書裴秀禹貢九州地

域圖論云諸家地圖各不設分率又不考止準望或稱外荒迂誕之言不合事實今制地圖之

體有六一曰分率以辨廣輪之度二曰準望以

正彼此之體三曰道里以定所由之數四曰高

下五曰方斜六曰迂直三者各因地而制形所

以校夷險之數也有圖象而無分率則無以審遠近之差有分率而無準望雖得之於一隅必失之於他方有準望而無道里則施於山海絕隔之地不能以相通有道里而無高下方斜迂直之校則徑路之數必與遠近之實相違失準望之正矣此六者參而考之故雖有峻山巨海之隔絕域殊方之迫登降詭曲之因皆可得舉而定矣

土訓周禮云土訓掌道地圖以詔地事

火正史記歷書云顓頊命南正重司天以屬神

類 雋

卷五

七 類書類地理
文獻集成

命火正黎司地以屬民應劭曰黎陰官也火數二二地數故火正司地

土左傳云堯澤八凱使主后土地平天成

分野前漢地理志云秦地於天官東井與鬼之分野魏地紫微參之分野周地柳七星張之分野韓地角亢氐之分野趙地昂畢之分野燕地尾箕之分野齊地虛危之地野魯地奎婁之分野宋地房心之分野衛地營室之分野楚地翼軫之分

野吳地斗之分野

漢書云張衡作地動儀精銅以鑄其

器圓徑八尺形似酒樽樽中有都柱旁行八道施開發機外有八龍首銜銅丸蟾蜍承之其機關巧制皆在樽中

絕列子云共工氏與顓頊爭爲天子怒而觸不周山天柱折地維絕地不滿東南故百川歸焉而爲渤海

經家語子夏云商聞之書曰地東西爲緯南北爲經山爲積德川爲積利高者爲生下者爲死丘陵爲牝溪谷爲牡

類 雋

卷五

八 中國歷史地理
文獻輯刊

傳云費長房遇壺公有神術能縮地脉千里聚在目前放之復如舊

金梁武帝傳云初議納侯景而未決夜出視事至武德門猶言我國家猶若金甌無一傷缺今使受地詎是所宜

氣陸士衡云山盈川冲石土所以播氣

地顏師古云地勢坎北九土星分

山

土荀子云積土成山風雨興焉

宣氣說文云

山宣也宣氣散生萬物有名而高象形也**產物**
釋名云山產也言產生萬物**土高**爾雅云土高
有石曰山**土聚**國語云禹封九山者土之聚
也**藏疾**左傳云山藪藏疾**訟險**易云王公設險
以守其國**國寶**左傳云山澤之材國之寶也**積**
卑莊子云丘山積卑而為**高**物韓詩外傳云
夫山萬人之所觀仰材用生焉寶藏植焉飛禽
萃焉走獸伏焉育群物而不倦有似夫仁人志
士是仁者所以樂山也**養物**王制云山者安靜

類 雋

卷五

九

類書類地理
文獻集成

養物**拳石**中庸云夫山一拳石之多及其廣大
草木生之禽獸居之寶藏興焉**天作**詩云天作
高山大王荒之**峻極**詩云嵩高維岳峻極于天
纖塵劉勰云山不讓纖塵故能成其大**不霽**詩
云如南山之壽不騫不崩**用享**易云王用享于
西山**蒙陰**易卦序論云陰而止山也險而動泉
也動靜皆蒙險故曰山**學山**楊子云丘陵學山
而不至於山是故惡夫晝也**節彼**詩云節彼南
山維石巖巖**覆篑**論語云譬如爲山未成一簣

止吾止也譬如平地雖覆一簣進吾往也**蚤負**
莊子云使蚤負山**山名**釋名云山頂曰冢亦曰
巔亦曰椒山脊曰岡山大而高曰嵩山小而高
曰岑銳而高曰嶠卑而大曰扈小而衆曰嶺上
大下小曰岵山有草木曰岵無草木曰垓又云
山足曰麓山穴曰岫山遠曰崖崖之高曰巖上
秀者曰峯陬隅高者曰岳山坡曰坂山三襲曰
陟山再成曰坯山中絕曰陁未及上曰翠微山
東曰朝陽西曰夕陽山屬曰嶧山狹而高曰巒

類 雋

卷五

十

中國歷史地理
文獻輯刊

巒山曰隨土山曰阜曲阜曰阿大阜曰陵小陵
曰丘山精曰夔亦曰歧亦曰雲陽石載土曰崔
嵬土載石曰岨**山節**周禮云山師掌山林之名
辯其物與其利害而頒之邦國使征其珍異之
物**山虞**周禮云山虞掌山林之政令爲之厲禁
若祭山林則條爲之**山棲**列子云豐狐文豹棲
於山也**山鎮**周禮職方氏云揚州其山鎮曰會
稽荊州其山鎮曰衡山豫州其山鎮曰華山青
州其山鎮曰沂山兗州其山鎮曰岱山雍州其

山鎮曰嶽山幽州其山鎮曰醫無閭吳州其山鎮曰霍山并州其山鎮曰恒山**山經**爾雅云祭山曰度懸**爾雅**酉陽雜俎云山上有葱下有銀山上有薤下有金山上有薑下有銅錫山有寶王木旁枝皆下垂**左傳**云山有木工則度之**觸石**訖苑云五嶽能大布雲雨焉能大歛雲雨焉觸石而出膚寸而合不崇朝而雨天下**小**孟子云孔子登東山而小魯登泰山而小天**下****閼風**淮南子云崑崙山去地萬一千里上有

類 雋
卷五
十一
類書類地理
文獻集成

層城九重或上倍之是謂閼風或下倍之是謂縣圃**巨靈**郭緣生述征記云華山與首陽本同一山河神巨靈擘開以通河流故掌跡存焉**三**神封禪書云蓬萊方丈瀛洲此三神山諸仙人皆在焉金銀爲宮闕未至望之如雲及到三山反居水下臨之風輒引船去終莫能至又十洲記云蓬萊山外有負海謂之滄海無風而洪波百丈**崦嵫**莊子云黃帝聞廣成子在崦嵫之上往問道焉**赤城**孫綽云赤城霞起以建標瀑布

飛流而界道赤城天台也**寶雞**三秦記云太白山南有陳倉山山有石似雞趙高燒山雞飛去晨鳴山顛聲聞三十里人謂是寶雞**地乳**河圖云岐山在崑崙東南爲地乳**酉陽**荊州記云小酉山上石穴中有書千卷相傳秦人於此學因留之故梁湘東王云訪酉陽之逸典**風門**水經注云北岳縣有風山上有穴如輪風氣蕭瑟不止當其衝所畧無生草蓋衆風之門也**採香**吳地記云香山吳王遣美人採香於此山因以爲

類 雋
卷五
十二
中國歷史地理
文獻輯刊

名故有採香徑**白紵**宣城圖經云白紵山本名楚山桓溫領妓遊此山奏樂好爲白紵歌因改爲**雁塞**荊州記云景山鴈南翔北歸偏經其上人謂之鴈塞山**銀湓**漢書云朕得金德銀自山溢**注**也**霞壁**荊州圖制云丹崖山高可三十丈北臨丹水赤壁如霞**仙宮**王韶之南康記云零縣君山大風雨後聞絃管聲其山謂之仙宮**太**山海經云東海外大荒中有山名大谷日月所出**去佞**劉向云去佞如拔山**九**呂氏春秋

云何爲九山會稽太山王屋首陽山太華岐山太行羊腸孟門又史記云黃帝東至海登九山

大材

淮南子云牛跡之涔無尺鯉塊阜之山無

丈材皆其營宇狹小而不能容巨大也

江源

云岷山道江蓋江源也

射的

水經注云會稽有

射的山遠望如射侯土人以占年諺曰射的白

斛一百射的玄斛一千

四微

穆天子傳云癸巳

至於群王之山四微中繩先王之所謂策府也

注四微中繩言皆平直也

于言

李公緒趙記云

類 雋

卷五

十三

類書類地理
文獻集成

栢仁縣有干言山衛詩云出宿于干飲餞于言

是也

地首

河圖云崑崙山爲地之首也

武宿山

海經云二負之臣曰危與二負攸突窳帝楷之

於疎屬之山桎其右足反縛兩手以髮繫之於

盤石之下在開題

地注

漢宣帝鑿上郡發盤石

得一人徒裸被髮反縛械一足莫有識者劉子

政按此言之

愚公

列子云太行王屋二山方七

百里高萬仞愚公且九十而山居惡此山將移

之操蛇之神聞之山神懼其不已也告帝帝威

其誠命夸娥氏二子負山一措朔東一措雍南

得書

吳越春秋云禹傷父功不成登衡山血白

馬而祭夢赤衣人稱玄夷蒼水使者謂禹曰

欲得我山書者齋於黃帝之微禹乃退齋三日

登宛委發石得金蘭玉字之書言治水之要

藏

符史記云趙簡子謂諸子曰吾藏寶符於常山

往得者立爲後諸子競往無所得無恤曰常山

臨代代可取也簡子曰是知符矣遂立之

叱馭

漢書云王陽爲益州刺史行部至九折阪歎曰

類 雋

卷五

十四

中國歷史地理
文獻輯刊

奉先人遺體柰何數乘此險後以病去及王尊

爲刺史至其阪問吏曰此非王陽所畏道邪尊

叱其馭曰驅之王陽爲孝子王尊爲忠臣

祁連

漢書云霍去病擊匈奴至祁連山獲首虜三萬

去病薨上悼之發屬國玄甲軍陳自長安至茂

陵爲冢象祁連山

勒銘

後漢書云竇憲與單于

戰於稽落山大破之憲遂登燕然山刻石勒碑

令班固作銘

聚米

後漢書云馬援征隗囂於帝

前聚米爲山指畫形勢開示衆軍帝曰虜在吾

目中耳**九坂**張璠漢記云梁興聚土築山十里
九坂著履晉書云謝靈運好登山常著大履上
則去前齒下則去後齒**濟勝**世說云許祿好遊
山水體便登陟時云許非徒有勝情實有濟勝
具**買山**晉書云戴符山人問襄陽節度于頔求
買山錢頔與百萬**愛童**顏脩內傳云橋順二子
曰璋曰瑞師事仙人盧子基於隆慮山棲霞谷
服飛龍藥一九千年不饑故魏武詩曰西山有
雙童不飲亦不食**長嘯**十道志云蘇門山一曰

類 雋

卷五

十五 類書類地理
文獻集成

蘇嶺即阮籍見孫登長嘯處登故號蘇門先生
牛渚李白傳云晚泊度牛渚磯至姑熟悅謝家
青山欲終焉及卒葬山麓**陸渾**唐書云元德秀
愛陸渾佳山水乃定居**輔唐**獨異志云王旻請
於高密牢山合煉唐玄宗許之因號山為輔唐
叟居之**造山**紀異錄云昭宗末年長安役人取
石於苑中造山崎危詰曲有若天成又取終南
草木植之山禽野獸縱其往復帝與妃嬪遊處
王侯貴游爭効之未半年奇花異草生滿官殿

識者以為丘墟之象後集寇入京焚燒殆盡
丁蜀王本紀云天為蜀王生五丁力士能鑿山
秦王獻美女與蜀蜀王遣五丁迎女見大蛇入
山穴中五丁并引蛇山崩秦王女皆上山化為
石**常帶**司馬相如云其山則盤紆糾紛隆崇律
翠巖宋王云登此巖而下望**班固**云崇
山隱天**刻削**庾肩吾云層雲霞峻絕洞倒危
峯刻削臨千仞巖我起百重**超奇**蕭綽云獨邁
青蓮嶺超奇紫蓋峯挂流遙似鶴抃石近如龍

類 雋

卷五

十六 中國歷史地理
文獻輯刊

沙崩聞韻鼓霜落似鳴鍾飛花滯羣桂輕吹起
修筇石蒲今尚有採摘更相逢**蕭綽**云青
山照落暉映遠望連飛仙峯看王筍開路視金
微鼓吹聲疑盡香爐烟覺稀共君臨水別勞此
送將歸**李德林**云登嶺望重關腰佩且鳴
環天河臨易飲月桂近將攀王母仙山至夫人
南岳還何必陽臺下要待夢容顏**謝靈運**
云昏旦變氣候山水含清暉清暉能娛人遊子
澹忘歸出谷日尚早入舟陽已微**盧綽**云

遊舉遊名山松喬共相追 崖谷成崇館品阿
結重閣

石

山體釋名云山體曰石石砢砢也**土精**楊泉物

理論云土精爲石石氣之核也氣之生石猶人
筋絡之生爪牙也**山合**春秋說題云周易艮爲

山爲小石石陰中之陽陽中之陰陰精輔陽故

山含石**背山**尚書云青州厥貢鈐松惟石**補天**

列子云天亦物也物有不足故昔者女媧氏煉

類 雋

卷五

十七

類書類地理
文獻集成

五色之石以補其闕**鑿鑿**詩云白石鑿鑿**漸漸**

詩云漸漸之石維其高矣**攻玉**詩云他山之石

可以攻玉**介如**易云介于石不終日貞吉**狼狽**

書云火炎崑崗玉石俱焚**墮星**左傳云墮石于

宋五隕星也**投水**史記云以石投水莫之逆也

水沫抱朴子云水沫爲浮石燒泥爲瓦燔木爲

炭皆去其柔脆變成堅剛**解散**周禮云石有時

而泐泐解散也**落星**圖經云昔有星墮水化爲

石當彭蠡湖中俗呼爲落星灣**仙鏡**九域志云

月林國西南有惟石方數百里光明澄澈可

人五臟六腑謂之仙人鏡其國人有疾輒照之

遂知病處**石履**盛弘之荊州記云興安縣水邊

有平石其上有石櫛石履各一俗云越王渡溪

脫履隨櫛於此**石履**楊雄蜀本紀云武都丈夫

化爲女子顏色美好蓋山之精也蜀王娶以爲

妻無幾物故於成都葬之日但石鏡一枚徑二

丈高五丈又幽寘錄云宮亭湖邊山中石形圓

可鑑謂之石鏡**石口**庾仲雍湘州記云應陽縣

類 雋

卷五

十八

中國歷史地理
文獻輯刊

蔡于池南有石曰云是蔡倫春紙白**石磻**玄中

記云玉門西南有國山中歲生石磻數千枚名

爲辟靈碯從春雷而磻減至秋磻盡磻子林切

石公越絕書云閩門西高景山東有巨石人古

名石公去縣二十里**石公**越絕書云吳中雪雉

山赤松子取赤石脂于此**石人**常璩華陽國志

云李冰爲蜀守於玉女房下白沙郵作三石人

立水中刻江神像水竭不見足漲不沒肩**石首**

張勳吳錄云石首魚至秋化爲鳧鳥頭中有石

孔安國云泗水之濱有浮石可以爲磬又

抱朴子云浮磬息音未別於衆石**精**帝王記

云周成王時肅慎氏來獻楷矢石弩長尺有咫

又異物志云夷州土无銅鉄取磨礪青石以作

弓矢此石弩楷矢之類**帝基**博物志云桃林在

弘農湖城縣休牛山有石曰帝臺之基其文五

色狀如鵝卵**盤龍**武昌記云盤龍石舊傳有龍

盤此石積日方去**然鼠**顧愷之啓蒙記云皋塗

有然鼠之石**九色**魏畧云大秦國石爲城郭出

類
雋

卷五

十九

類書類地理
文獻集成

九色玉石**八陣**梁州記云沔陽城沔漢上十五

里有諸葛武侯鎮在漢水南門前累石爲八陣

水至壞其行列水去復故**黑髮**洞冥記云元鼎

中條支國貢異石以和九轉丹髮白者以此石

拭之應手而黑**切玉**十洲記云西海中流洲上

有昆吾石煉之成鐵作劍光明洞照如水晶狀

割玉如泥土**乞子**郡國志云乞子石在馬湖南

岸東石腹中出一小石西石腹中懷一小石故
楚人乞子於此有驗**望夫**劉義慶幽明錄云武

昌北山上有望夫石狀若八立古傳云昔有貞

婦其夫從役携弱子送之山頭立望其夫遂化

爲石**飛石**澤陽記云廬山上池中有三石鴈雷

降則飛**飛燕**顧凱之啓蒙記云零陵郡有石燕

得風雨則飛如真燕**冷石**張勃吳錄云鬱林郡

布山多蛇毒有冷石色赤黑味苦屑此石著創

中立蘇**燐石**括異志云豫章有石黃白色而理

疎以水灌之即熱加燐於上炊足以熟冷則灌

之雷煥以問張華華曰燐石也**鹽石**華陽國志

類
雋

卷五

二十

中國歷史地理
文獻輯刊

云汶山有鹽石煎之得鹽**砥石**梅福云爵祿束

帛天下之砥石高祖所以厲世摩鈍**磨石**劉向

云信任既賢在於堅固不移詩曰我心匪石不

可轉也今用賢未三旬而退是轉石也**耕石**焦

貢云入年多悔耕石不富衡門晏空使士失意

救溺孔叢子云抱石救溺愈不濟矣**可破**呂氏

春秋云石可破也不可奪其堅**洛母**淮南子云

禹娶塗山化爲石在嵩山下禹曰歸我子石破
止方而生登**嘉肺**周禮云大司寇以嘉石平罷

民有罪過而坐諸於肺石達窮民凡桀獨幼欲復於上而長弗達者立於肺石注嘉文石肺

赤石負石列仙傳云殷湯伐桀既得天子以讓

粉光光遂負石自沉瀘水乘石尸子云武王崩

成王少周公旦踐東宮履乘石祀明堂假天子

七年燕石關子云宋之愚人得燕石於梧臺之

東歸而藏之以爲寶周客聞而觀焉主人齋七

日端冕玄服以發寶華匱十重緹巾十襲客見

之掩口笑曰此燕石也與瓦甕不殊燕石神仙

類 雋

卷五

二十一

類書類地理
文獻集成

傳云白石先生嘗煮石爲糧就白石山居燕石

三齊畧記云始皇作石橋欲過海看日出處時

有神人能驅石下海石行緩神輒鞭之流血至

今盡赤陽城山石盡起立東傾狀如隨行黃石

張良傳云良出游見老人出一編書曰讀是則

爲王者師後十二年見我濟北轅城山下黃石

即我也良後果得黃石寶而祠之感石後漢書

云高琳字季珉母嘗被楔泗濱見一石光彩朗

潤遂持以歸是夜夢一人謂之曰此浮磬之精

若能實持必生令子俄而有姪及生子因名琳

汲石蜀中記云楚人隗叔通爲人性孝母食必

須江水水深難汲一旦水中出石通因就之今

江中有孝子石汲石晉書云孫楚欲隱居謂王

濟曰當欲枕石漱流誤云漱石枕流濟曰流非

可枕石非可漱楚曰枕流欲洗耳漱石欲厲齒

也醉石廬山記云陶淵明所居栗里有大石嘗

醉眠其上名曰醉石醒石唐餘錄云李德裕治

平泉別墅採天下珍木惟石充園池之玩有醒

類 雋

卷五

二十二

中國歷史地理
文獻輯刊

酒石德裕尤所寶惜醉即踞之醒石唐書陸龜

蒙傳云陸氏居姑蘇門有巨石遂祖績仕鬱林

太守罷歸無裝舟輕不可越海取石爲重人稱

其庶號鬱林石石禮記云桓司馬自爲石柳

三年而不成夫子曰若是其靡也死不如速朽

之愈也石薛榮後漢書云靈帝嘉平四年詔

正五經文字刻石立于太學石沈約宋書云

孫皓天璽中臨海郡使羅在海水際得石樹高

三尺餘枝莖紫色詰曲傾靡有光彩石荊州

記云樊重毋畏雷為石室避之**石鵲**于寶搜神

記云常山張顗為梁相天新雨後有鳥如山鵲

飛翔入市人擲之墮地化為圓石顗椎破得一

金印文曰忠孝**石生**石勒別傳云勒鄉里所

居原上地中石生日月長類鐵騎于是父老相

者皆云此胡奇貌且有大志其終不可量勒邑

人厚遇之**石龜**神異記云唐齊王元吉於晉陽

宮獲青石若龜形上有丹書四字曰李淵萬吉

遣使獻之高祖曰不足信也**投人**左傳云齊高

類 雋

卷五

二十三

類書類地理
文獻集成

固入晉師礫石以投人**超距**史記云王翦代李

信擊荊荆兵數挑戰不出久之翦使隊軍中戲

平對曰方投石超距翦曰士卒可用矣**地分**史

記云始皇二十年星陸東郡至地為石或刻其

文曰始皇死而地分始皇盡誅石傍人燔銷其

石**伏虎**韓詩外傳云楚熊渠子夜行見寢石以

為伏虎彎弓而射之沒金飲羽下視知其石也

因復射之矢躍無迹又李廣傳云廣見石謂伏

虎射之沒羽**五車**應劭漢官儀云馬伯第登水

山見石二枚其一是武帝時石用五車載不能

上因置山下為屋號**五車石**一是紀號石刻文

字紀功德立壇上**五女**晉鑿齒襄陽耆舊記云

山都縣沔水上有大石激宅欲為水所毀其家

五女皆大富共鍛鐵作激全其家宅**孔曄**

會稽記云諸暨縣北界有羅山越時西施鄭旦

所產名苧羅村所在有方石是西施曬紗處今

名苧羅山**魚化**水經注云范文本曰南西卷縣

奴為奴時牧羊於澗中得二鯉欲私食之即知

類 雋

卷五

二十四

中國歷史地理
文獻輯刊

詰奴奴詐云將礪石還非魚也即至魚所果見

兩石文異之石有鐵文因入山就石治鐵作兩

刀舉刀向鄭呪曰鯉魚變化治石成刀斫石鄭

破者是有靈神文當治此因斫石鄭迎刃破遂

君其地**天璽**西京雜記云竇太后室居有白燕

銜石大如指墮后續篋中后取石剖為二中有

文曰毋天下后乃合之遂不復開後為皇后常

并置璽櫝中號曰**天璽****繫肘**東觀漢記云涿郡

太守張豐好方術有道士言豐當為天子以五

彩囊盛石繫豈肘云是王璽豐信之遂舉兵反
既敗當誅猶曰肘有玉璽**支機**荆楚歲時記云
張騫尋河源得一石示東方朔朔曰此是天上
織女支機石**乳鯨**西京雜記云漢武昆明池養
魚往往飛去後刻石為鯨魚置水中魚乃不飛
去并雷雨鯨常鳴吼**採金**咸榮續晉書云懷帝
時魏故豫州刺史賈逵墓石碑生黃金採取即
復生**牧羊**葛洪神仙傳云黃初平年十五家使
牧羊有道士見其良謹將至金華居石室中四

類 雋

卷五

二十五

類書類地理
文獻集成

十餘年不念其家其兄初起行索初平見道士
引至山與弟語畢問初平羊何在平與兄往至
山東見白石因叱之石皆起成羊數萬頭**吠狗**
郡國志云宋武帝伐南燕至吠狗山夜聞狗吠
明日視之見石狗**隱**齊書云虞愿為晉平太
守海邊有越王石嘗隱蔽雲霧相傳云太守清
庶乃得見愿遂往觀清微無隱**寶舸**南梁書云
江革自武陵除都官尚書還舸舸輕歎不得安
卧乃於西陵岸取石千餘實之**山輝**陸機云水

懷珠而川媚石韞玉而山輝**斷雲**朱超云侵霞
去日近鎖水激流分對影疑雙闕孤生若斷雲
過風靜華浪騰烟起薄暝雖言近七嶺獨高成
不群**琴餘**陰鏗云天漢支機罷仙嶺博基餘零
陵舊是驚昆池本學魚雲移蓮勢出苔駁錦文
疎還當數城下別自解兵書**演影**定法師云迥
石直生空平湖四望通崑隈恒洒浪樹杪鎖搖
風偃流還演影侵霞更上紅獨拔群峯外孤秀
白雲中**濯錦**崔仲方云王絕隨月落金碑映日

類 雋

卷五

二十六

中國歷史地理
文獻輯刊

鮮入江疑濯錦出峽似開蓮文馬河西瑞兵符
濟北篇會逐靈槎上還歸天漢邊**殊狀**岑德潤
云當階聳危石殊狀宕難名帶山疑似獸侵波
或類鯨雲峯臨棟起蓮影入蒼生楚人終不識
徒自縊連城**抱貞**虞茂云蜀門鬱遼阻燕碣遠
參差獨標千丈峻共起百重危鏡峯含月鬼蓋
嶺逼雲枝徒然抱貞介填海竟誰知**應雨**蘇味
道云濟北甄神貺河西濯瑞文聲應天池雨影
觸岱宗雲鴈歸猶可候羊起自成群何當擢臺